



Մ Ա Յ Ր Ա Թ Ո Ռ Ո Ւ Մ

Փետրվարի 1-ին, երեքշաբթի, Վեհափառ Հայրապետի նախագահության տակ, հետմիջօրեի ժամը 3-ին, Վեհարանում գումարվեց Մայր Աթոռին աղբյուրներ ճարտաապետական հանձնաժողովի նիստը, ուր քննության առնվեցին 1966 թվականին Մայր Աթոռում ե նրա սահմաններից դուրս կատարվելիք շինարարական և վերանորոգչական ծրագրերը:



Փետրվարի 6-ին, կիրակի, Մայր Տաճարում պատարագեց և քարոզեց հոգեշնորհ Տ. Ներսես ծայրագույն վարդապետ Պողոպալյանը՝ «Դարման տար դմա և ղոր ինչ ծախեսցես ի գա՝ ի միւս անգամ գալստեան իմում հատուցից քեզ» բնաբանով:



Փետրվարի 9-ին, չորեքշաբթի, Հոգևոր Ճեմարանի ուսանողությունը, վերատեսչի և դասախոսական կազմի առաջնորդությամբ, Երևանում կատարեց մի շարք շրջապտույտներ, այցելելով պետական թանգարան և Հովհաննես Թադևոսյանի նկարչական ցուցահանդեսը:



Փետրվարի 10-ին, հինգշաբթի, հետմիջօրեի ժամը 3-ին, Վեհարանում, Վեհափառ Հայրապետի նախագահության տակ, Հոգևոր Ճեմարանի մամուղ դասախոսական կազմի մասնակցությամբ, գումարվեց մանկավարժական ժողով, ուր ամփոփվեցին Ճեմարանում կիսամյա գրավոր և բանավոր քննությունների արդյունքները:

Ժողովում ելույթ ունեցան վերատեսուչ Ներսես ծայրագույն վարդապետը, դասախոսներ Վահան Եպիսկոպոսը, Գրիգոր վարդապետը, Ա. Հատիտյանը, Գ. Գյուլյանը, Պ. Շահբազյանը, Ս. Անթոնյանը և Վ. Փարսադանյանը, նշելով ուսանողության ձեռք

բերած հաջողություններն ուսման բնագավառում: Ժողովում քննության առնվեցին նաև ներքին կարգապահական հարցեր:

Վերջում դասախոսական կազմին ուղղված գոհունակության և օրհնության խոսք ասաց Վեհափառ Հայրապետը, անելով մի շարք մանկավարժական թելադրություններ՝ Հոգևոր Ճեմարանում ուսումնագաստիարակչական գործի հետագա է՛լ ավելի արդյունավետության համար:



Փետրվարի 11-ին, ուրբաթ, Իրեկոյան ժամը 6-ին, Վեհարանում, Վեհափառ Հայրապետի նախագահության տակ, գումարվեց Գերագույն Հոգևոր Խորհրդի նիստը, ուր Մայր Աթոռի ճարտարապետ Ա. Գալիկյանը ղեկուցեց 1966 թվականին Մայր Աթոռում և նրա սահմաններից դուրս կատարվելիք շինարարական ու վերանորոգչական աշխատանքների ծրագրի մասին:

Գերագույն Հոգևոր Խորհուրդը, հետ քննության, հաստատեց ներկայացված շինարարական ծրագիրը:



Փետրվարի 13-ին, կիրակի, Մայր Տաճարում պատարագեց արժանապատիվ Տ. Մկրտիչ ավագ քահանա Մկրտչյանը և քարոզեց հոգեշնորհ Տ. Ներսես ծայրագույն վարդապետ Պողոպալյանը՝ «Մեծ աւետիք են այսօր ժողովրդոց համայնից» բնարանով:

Ժամը 5-ին: Մայր Տաճարում, Վեհափառ Հայրապետը նախագահեց Տյառնընդառաջի նախատեսակին:

Երեկոյան ժամը 7-ին, Հոգևոր Ճեմարանում, տեղի ունեցավ հերթական գրական-գեղարվեստական երեկո, որին ներկա էին Վեհափառ Հայրապետը, Մայր Աթոռի միաբանությունը, Հոգևոր Ճեմարանի դասախոսական կազմը և ուսանողությունը:

Դասախոս Ս. Անթոսյանը բանախոսեց «Հայ մշակույթը և նրա միջազգային նշանակությունը» թեմայի շուրջ: Ուսանողներից ումանը հանդես եկան հայ մշակույթին նվիրված քերթվածների արտասանությամբ: Ուսանողական երգչախումբը հաջողությամբ կատարեց մի շարք շարականներ և երգեր: Երեկույթը փակվեց Վեհափառ Հայրապետի օրհնության խոսքով:

Ժամը 8-ին, Վեհարանի բակում, Վեհափառ Հայրապետը վառեց Տյառնընդառաջի ավանդական խարույկը, խանդավառ մթնոլորտում, ի ներկայության Մայր Աթոռի միաբանության, Հոգևոր Ծեմարանի դասախոսական կազմի և ուսանողության: Աշակերտությունը խարույկի շուրջ հանդես եկավ երգերով և արտասանություններով:

Փետրվարի 14-ին, Երկուշաբթի, «Տեառն-ընդառաջ»: Մայր Տաճարում պատարագեց արժանապատիվ Տ. Նշան քահանա Բեյլերյանը:

Փետրվարի 14-ին, Երկուշաբթի, հետմիջօրեի ժամը 1-ին, Հոգևոր Ծեմարանի ուսանողությունը շրջապատույտ կատարեց դեպի Զվարթնոցի ավերակները:

Փետրվարի 20-ին, կիրակի, Բուն բարեկեցիկ: Մայր Տաճարում, փակ խորանի

առաջ, պատարագեց հոգեշնորհ Տ. Գևորգ վարդապետ Սերայդարյանը:

Քարոզեց Վեհափառ Հայրապետը՝ «Այլ դու յորժամ ողորմութիւն առնիցես, մի իմասցի ձախ քո զինչ գործէ, աչ քո» բնութանով:

Փետրվարի 21-ին, երկուշաբթի, Հոգևոր Ծեմարանի ուսանողությունը, դասախոսական կազմի առաջնորդությամբ, շրջապատույտ կատարեց մայրաքաղաքի տեսարժան վայրերը և այցելեց պետական պատկերասրահն ու Կարմիր բլուրը:

Փետրվարի 23-ին, չորեքշաբթի, Մայր Տաճարում հանդիսավորապես սկսվեցին Մեծ պահոց հատուկ ապաշխարության կանոնի արարողությունները՝ Արևազարի, Ծաշու, հաղաղականի և հսկումի ժամերգությունները:

Փետրվարի 27-ին, «Բ» կիրակի Քառասնորդական պահոց (Արտաքսման), Մայր Տաճարում պատարագեց արժանապատիվ Տ. Մկրտիչ ավագ քահանա Մկրտչյանը: Քարոզեց գերաշնորհ Տ. Հուսիկ եպիսկոպոսը՝ «Զի անհնապանգութեամբ միոյն մարդոյ մեղաւորք բաղուր եղեն» լեւորանով (Հուլիմ. Զ 19):

